

ANUTU ASAGA'NA LOLO HU'EHINA KA YABE.

Yupahi 1.

Kupa 1:1-5

Koyapa yupapo, Anutu asaga'na hapi fito lolo nohuto, kokuluma'i hiti, me'i hiti, lolo hu'ehina yabe. To, me'i yuhufasi lolo nohuto, me'mofihi okaba'a le'mo bati mehigo, ka me'i mino'ehibe. Nagami uba ifi to'ehina me'i mino'ehibe. To ana sipi nagamito sinihi gito mino'ehina yabe. Ya huto ni'igo, Anutuhi Meha'a nagami ifo'alo bula ola huto mino'ehina yabe.

To Anutu, "Fana tobo." ligo, fana to'ehibe. To Anutu, fana bati huto notago, e goto fokehi li'ehina yabe. To Anutu, kehe nolito'a, fana tana kana'a mone moloto, to metepu kana'a fato'i moloto, kana molo'ehibe. To fana tana kana'a "Fuligahi yabe." luto gi moloto, to metepu kana'a "Folugu'i yabe." luto gi

molo'ehibe. Ya higo, utehi sinihi gilago,
etehi go'i lu besa lo'ehina - ana yupapo.

Yupahi 2.

1:6-8

To Anutu, "Nagami'i mino hokolo hubo." luto,
"Nagami'i mone ifoga tito minoto, to
mone afetoga minoto, folaganugu
hokolo kapo minalibe. Nagami'i mino
hokolo hubo." lu'ehina yabe.

Anutu ya huto hokolo kapomo folaganugu lolo
hu'ehibe. Nagami'i mone'a , ana hokolo kapo
ifo'alo tito minoto, to mone'a afeha'alo
mino'ehibe. Ya huto lolo hu'ehibe. To Anutu,
ana hokolo kapo, "Kokuluma'i yabe." luto gi
molo'ehibe. Gi mololago, utehi lulago, etehi
lu'ehina - ana yupapo.

Yupahi 3.

1:9-13

To Anutu, "Nagami'i li nupa hubo." luto,
"Kokuluma afeha'a ni'ina nagami'mo

li nupa hubo. Me'i se'noto tilina'mu
yabe." luto ligo, nagami'i li nupa hu'ehibe.
To Anutu, ana se'noto ti'ehina me'mo "Me'i yabe."
luto gi moloto, to ana li nupa hu'ehina nagami'i
"Hege nagami'i yabe." luto gi molo'ehibe. To
ya huto, bati huto ni'igo, Anutu e goto fokehi
li'ehina yabe.

To Anutu, "Meluguti kifi tibo." luto,
"Fato fato kifi, fato fato supo huto
bigaha'a halina'mu yabe. To fato fato
yafa, ana huto, fato fato supo huto
bigaha'a legeya'agu halina'mu yabe." luto
lu'ehina yabe.

To ya luto ligo, kifi ya huto tibe. Meluguti
ti'ehibe. Fato fato kifi, fato fato hapa'a
nohuto, bigaha'a ho'ehibe. To fato fato yafa
fato fato hapa'a nohuto, bigaha'a legeya'agu
ho'ehibe. To ya huto, bati huto notigo, Anutu
e goto fokehi li'ehina yabe. To utehi luto
lulago, etehi lu'ehina - ana yupapo.